



Udruženje/udruga "BH novinari", Kralja Tvrtka 5/5, 71000
Sarajevo Telefoni: 033 223 818, 033 217 302
E-mail: bhnovinari@bhnovinari.ba, WEB: www.bhnovinari.ba

Visoko sudsko i tužilačko vijeće BiH
Ured disciplinskog tužitelja
Kraljice Jelene 88
71 000 Sarajevo
Fax: 033 707 550
E –mail adresa: vstvpress@pravosudje.ba

Datum: 31.12.2014.

Mjesto: Sarajevo

Broj: 166- 01 /14

Predmet:

Prijava protiv:

- 1. Kantonalnog tužiteljstva Sarajevo, tužiteljice Suade Pašić i glavne tužiteljice Dalide Burzić**
- 2. Općinskog suda u Sarajevu, postupajućeg sudije Igora Todorovića i predsjednice Janje Jovanović**

Zbog utvrđivanja zakonitosti naloga za pretres redakcije portal Klix.ba iz Sarajeva u kojem su zajedničke snage MUP-a Kantona Sarajevo i MUP-a Republike Srpske više sati ispitivale novinare, izuzele dijelove kompjutera i druge tehničke opreme za rad, nanijevši mediju značajnu materijalnu štetu, te vršeći policijski pritisak na direktora Darija Šimića i urednika Jasmina Hadžiahmetovića da otkriju izvor informacija, pri tom zabranivši drugim novinarima i urednicima ovog medija obavljanje svakodnevnih novinarskih zadataka: pripreme i objavljivanja vijesti tokom višesatnog pretresa.

U ponedjeljak, dana 29. 12. 2015. slijedeći zahtjev MUP-a RS, uz odobrenje Kantonalnog tužiteljstva, Općinski sud u Sarajevu izdao je nalog za pretres kojim je omogućen upad policije u redakciju portal Klix.ba, a u cilju otkrivanja izvora audio snimka u kojem Željka Cvijanović, predsjednica Vlade Republike Srpske, govori o

korupciji u parlamentu RS, odnosno o načinu kupovanja glasova pojedinih poslanika za parlamentarnu većinu koju je tako ostvarila njena stranka SNSD.

Ovaj pretres je skandalozan po načinu na koji je izveden, njegovi su motive krajnje sporni, a poruka koja je poslana građanima i javnosti BiH mogla bi imati dalekosežne posljedice po zaštitu slobode izražavanja i cjelokupno društvo u kojem živimo.

U tom smislu zahtijevamo da ispitate:

- zakonitost procedure odobrenja i podizanja naloga za pretres;
- opravdanost pretresa u odnosu na eventualnu težinu krivičnog djela koje je, eventualno počinjeno i na koje se sumnjalo;
- prekoračenje ovlasti u toku pretresa iz tačke 5. Naredbe Općinskog suda Sarajevu u kojoj se navodi kako će pretres izvršiti “službena lica MUP –a KS uz stručnu pomoć stručnjaka iz oblasti računarske forenzike i uz saradnju i prisustvo načelnika Službe za suzbijanje organizovanog kriminala i korupcije Uprave Kriminalističke policije RS Siniše Kostreševića ili lica koje on odredi...”;
- zakonitost izdavanja naredbe i provođenja pretresa na okolnost člana 146. Zakona o krivičnom postupku Republike Srpske i člana 96. Zakona o krivičnom postupku Federacije BiH, u kojem se navode osobe koje ne mogu biti saslušane u svojstvu svjedoka, budući da bi “svojim iskazom povrijedile dužnost čuvanja profesionalne tajne”, među kojima su izriješkom navedeni i novinari “u svrhu zaštite izvora informacija;
- kršenje člana 10. Evropske povelje o ljudskim pravima u kojoj se garantira sloboda izražavanja;
- kršenje odluke Evropskog suda za ljudska prava u kojoj je tajnost informacija važan dio novinarskog rada, a opravdava se postojanje redakcijskih tajni;
- štetu koja je ovim upadom nastala, kako onu materijalnu nanесenu redakciji Portalu Klix.ba, tako i moralnu i profesionalnu koja je nanесena cijeloj novinarskoj zajednici i cijelom pravosuđu BiH.

Molimo Vas da ovu **prijavu uzmete u razmatranje po hitnom postupku**, upravo onako kako su to uradili Kantonalno tužiteljstvo i Općinski sud Sarajevo, primjenjujući hitne mjere u predmetu koji ni po čemu – osim po slijeđenju političke (samo)volje – nije zaslužio takav tretman.

Za hitno rješavanje prijave UO Udruženja/udruge BH novinari ovom slučaju postoji najširi mogući krug zainteresiranih – od novinara i urednika portal Klix.ba, najvećih žrtava ishitrenih pravosudnih odluka i naredbe, preko građana i javnosti, do civilnih i državnih institucija BiH i predstavnika međunarodne zajednice u ovoj državi.

Uz ovu prijavu dostavljamo:

- Naredbu Općinskog suda u Sarajevu, broj 65 0 K 477433 14 Kpp, od 24.12.2014., veza: zahtjev Kantonalnog tužiteljstva Sarajevo, broj T09 0 KTA 0079515 14
- Izvode iz: Zakona o krivičnom postupku Federacije BiH i Zakona o krivičnom postupku Republike Srpske,

- Izvod iz Zakona o zaštiti od klevete Federacije BiH i Zakona o zaštiti od klevete Republike Srpske,
- Deklaraciju Vijeća Evrope o zaštiti novinara koji se bave istraživačkim novinarstvom i Deklaraciju Vijeća Evrope o slobodi političke debate u medijima

U očekivanju hitnog postupanja VSTV, srdačno Vas pozdravljam.

U ime UO BH novinara:

B. Rudić



Borka Rudić, generalna tajnica BH novinara